



Broj: 16-12-16-2-4857-^P /16
I. Sarajevo, ^{26.08.} 2016. godine

Na osnovu člana 8. stav (2) tačka h) Zakona o Državnoj agenciji za istrage i zaštitu („Službeni glasnik BiH”, br. 27/04, 63/04, 35/05, 49/09 i 40/12) i člana 70. st. (1), (2), (3) i (6) Zakona o javnim nabavkama („Službeni glasnik BiH”, broj 39/14), na preporuku Komisije I za nabavke za potrebe Državne agencije za istrage i zaštitu u 2016. godini, broj 16-12-16-2-4857/16 od 24.08.2016. godine, u postupku javne nabavke motornog ulja za službena vozila Državne agencije za istrage i zaštitu, direktor Državne agencije za istrage i zaštitu, d o n o s i

ODLUKU

o izboru najpovoljnijeg ponuđača po Konkurentskom zahtjevu za dostavljanje ponuda za javnu nabavku motornog ulja za službena vozila Državne agencije za istrage i zaštitu

Član 1.

Prihvata se preporuka Komisije I za nabavke za potrebe Državne agencije za istrage i zaštitu u 2016. godini broj 16-12-16-2-4857/16 od 24.08.2016. godine i okvirni sporazum za period od tri godine u postupku javne nabavke motornog ulja za službena vozila Državne agencije za istrage i zaštitu dodjeljuje se ponuđaču „NESTRO PETROL“ a.d. Banja Luka, ponuda broj 16-12-16-2-4857-3/16 od 09.08.2016. godine, za ponudenu cijenu 40.065,30 KM bez uračunatog PDV-a.

Član 3.

Ova odluka se ponuđačima dostavlja u roku od tri dana, a najkasnije u roku od sedam dana od dana donošenja Odluke, uz istovremeno objavljivanje na internetskoj stranici Državne agencije za istrage i zaštitu.

Član 4.

Za izvršenje ove odluke zadužuje se Sektor za materijalno-finansijske poslove Državne agencije za istrage i zaštitu.

Član 5.

Prijedlog okvirnog sporazuma dostavit će se na potpis izabranom ponuđača, po proteku roka od 10 dana, računajući od dana kada su svi ponuđači obaviješteni o izboru najpovoljnije ponude.

Član 6.

Ova odluka stupa na snagu danom donošenja.

Obrazloženje

Odlukom direktora Agencije broj 16-12-16-2-4857-1/16 od 27.07.2016. godine, pokrenut je postupak javne nabavke motornog ulja za službena vozila Državne agencije za istrage i zaštitu (u daljem tekstu: Agencija) za period od tri godine, putem Konkurentskog zahtjeva, za koji je obavještenje o nabavci objavljeno na Portalu javnih nabavki broj 1161-7-1-596-3-43/16 od 29.07.2016. godine. Procijenjena vrijednost javne nabavke je 49.000,00 KM bez uračunatog PDV-a, a za što su novčana sredstva obezbjeđena u okviru budžetskih sredstava za 2016. godinu.

Komisija I za nabavke za potrebe Agencije u 2016. godini (u daljem tekstu: Komisija) dostavila je Izvještaj o radu broj 16-12-16-2-4857/16 od 24.08.2016. godine sa preporukom o izboru najpovoljnijeg ponuđača u postupku javne nabavke motornog ulja za službena vozila Agencije.

Obzirom da je tačkom 6. Konkurentskog zahtjeva navedeno da je rok za dostavljanje ponuda 09.08.2016. godine do 13,00 sati, te da se ponude dostavljaju u zatvorenoj koverti, Komisija je dana 09.08.2016. godine u 14,00 sati izvršila javno otvaranje ponuda prema datumu i vremenu prijema.

Blagovremeno su dostavljene dvije ponude i to:

Redni broj.	Naziv ponuđača	Ukupna cijena (bez PDV-a)
1.	„NESTRO PETROL“ a.d. Banja Luka	40.065,30 KM
1.	„DRR AUTO“ d.o.o. Kiseljak	40.876,50 KM

Komisija je nakon otvaranja ponuda u smislu člana 63. st. (5) i (6) Zakona o javnim nabavkama („Službeni glasnik BiH“, broj 39/14) (u daljem tekstu: Zakon), sačinila Zapisnik o otvaranju ponuda i isti u roku od tri dana, od dana otvaranja, dostavila ponuđačima. Postupak je dalje nastavljen u smislu pregledanja dokumentacije priložene uz ponude, a u cilju ocjenjivanja ponuđača, te njihove kvalifikovanosti shodno uslovima navedenim u Konkurentskom zahtjevu.

Uvidom u sadržaj dostavljenih ponuda Komisija je utvrdila da ponuđači „NESTRO PETROL“ a.d. Banja Luka i „DRR AUTO“ d.o.o. Kiseljak ispunjavaju kvalifikacione uslove u pogledu njihove lične sposobnosti, sposobnosti obavljanja profesionalne djelatnosti, ekonomske i finansijske sposobnosti, te tehničke i profesionalne sposobnosti. Također Komisija je utvrdila da ponuđač „NESTRO PETROL“ a.d. Banja Luka ispunjava formalno-pravne uslove iz Konkurentskog zahtjeva, dok ponuđač „DRR AUTO“ d.o.o. Kiseljak ne ispunjava formalno-pravne uslove iz tačke 4. Konkurentskog zahtjeva. Naime u tački 4. Konkurentskog zahtjeva navedeno je da ponuda, svi dokumenti i prepiska u vezi sa ponudom između ponuđača i ugovornog moraju biti napisani na jednom od službenih jezika u Bosni i Hercegovini, te da prateća dokumentacija i štampana literatura koju dostavi ponuđač mogu biti napisani na jeziku u međunarodnoj upotrebi ali uz uslov da se uz njih dostavi zvaničan prevod relevantnih dijelova na jezik na kojem je napisana ponuda. Uvidom u ponudu ponuđača „DRR AUTO“ d.o.o. Kiseljak, Komisija je konstatovala da je navedeni ponuđač dostavio katalog i fotografije ponuđenog motornog ulja koji nisu prevedeni na jedan od službenih jezika u Bosni i Hercegovini odnosno nije dostavio zvanični prijevod relevantnih dijelova ponuđenih artikala pod rednim brojem 5. - Polusintetičko motorno ulje 10W-40, rednim brojem 7. - Motorno ulje 15W-40 i rednim brojem 10. - Ulje za volan 75 ATF na jeziku na kojem je napisana ponuda, zbog čega ponuda navedenog ponuđača nije dalje razmatrana niti vrednovana.

Uvidom u dostavljenu ponudu ponuđača „NESTRO PETROL“ a.d. Banja Luka, Komisija je utvrdila da je isti dostavio Potvrdu Privredne komore Republike Srpske broj 04-01-1249/16 od 03.08.2016. godine o primjeni preferencijalnog tretmana domaćeg.

U toku ekonomske ocjene dostavljene ponude kod ponuđača „NESTRO PETROL“ a.d. Banja Luka Komisija je konstatovala računске greške u obrascu za cijenu ponude.

Obzirom na konstatovane greške računске prirode Komisija je dana 17.08.2016 godine, u skladu sa članom 17. st. (1), (3) i (5) Uputstva za pripremu modela tenderske dokumentacije i ponuda („Službeni glasnik BiH“ broj 90/14) (u daljem tekstu: Uputstvo) od ponuđača „NESTRO PETROL“ a.d. Banja Luka zatražila prihvatanje ispravke grešaka računске prirode. Ponuđač „NESTRO PETROL“ a.d. Banja Luka je u vezi sa prihvatanjem grešaka računске prirode u ponudi, aktom od 22.08.2016. godine naveo da je u obrascu za cijenu ponude za artikl pod rednim brojem 3. Sintetičko motorno ulje 5W-40 disel dao jediničnu cijenu od 22,47 KM za pakovanje od 4 l i za artikl pod rednim brojem 7. Motorno ulje 15W-40 dao jediničnu cijenu od 10,18 KM za pakovanje od 4 l, budući da u obrascu za cijenu ponude nije definirano pakovanje, te da ostaje pri ukupnoj ponudi od 40.065,30 KM bez PDV-a.

Nakon pregledanja dokumentacije priložene uz dostavljenu ponudu Komisija je u smislu člana 65. st. (1) i (2) Zakona ocijenila ponudu kvalifikovanog ponuđača, primjenjujući kriterij najniže cijene iz tačke 9. Konkurentskog zahtjeva:

Redni broj.	Naziv ponuđača	Ukupna cijena (bez PDV-a)
1.	„NESTRO PETROL“ a.d. Banja Luka	40.065,30 KM

Nakon provedenog postupka ocjenjivanja, Komisija je utvrdila da je ponuda ponuđača „NESTRO PETROL“ a.d. Banja Luka prihvatljiva, da ista ne premašuje procijenjenu vrijednost javne nabavke i podliježe preferencijalnom tretmanu domaćeg.

Shodno navedenom, prihvaćen je prijedlog Komisije i odlučeno da se okvirni sporazum u postupku javne nabavke motornog ulja za službena vozila Agencije dodijeli ponuđaču „NESTRO PETROL“ a.d. Banja Luka, a kako je navedeno u članu 1. ove odluke.

Pouka o pravnom lijeku: Protiv ove odluke može se izjaviti žalba Uredu za razmatranje žalbi Bosne i Hercegovine, u roku od pet dana od dana dostavljanja iste. Žalba se podnosi putem Državne agencije za istrage i zaštitu.

Na izjavljenu žalbu ponuđač je obavezan platiti naknadu u skladu sa članom 108. Zakona o javnim nabavkama i podzakonskim aktima.

DOSTAVLJENO:

- Ponuđaču 2x,
- Sektoru za mat.-fin. poslove,
- a/a.

